

URNOS TI PANAGDAYAW

PRELUDIO: (agpasango dagiti agakem ken masindian dagiti candela ti altar)

Kanta A Panglukat: "I Worship You"

I worship You, O mighty God, there is none like You
I worship You, O prince of peace that is what I long to do
I give You praise for You are my righteousness
I worship You, O mighty God, there is none like You.
(repeat)

****AYAB TI PANAGDAYAW:** (naadaw ti Salmo 34)

Pangulo: Iti amin a tiempo, agyamanak ti Apo, diak to agsarday a mangidaydayaw Kenkuana.

Lallaki: Ipannakkelko ti Apo gapu iti inaramidna, mangngeg koma dagiti maidaddadanes ket agragsakda.

Pangulo: Danggayandak a mangitan-ok iti Apo, agmaymaysatayo a mangidaydayaw ti nagana.

Babbai: Immawagak iti Apo ket sinungbatannak, inispalnak kadagiti amin a pagbutbutngak.

Pangulo: Umawag dagiti nalinteg iti Apo ket ipangagna ida, tulonganna ida kadagiti amin a pakarigatanda.

Amin; Umasideg ti Apo kadagiti maupay, isalakanna dagiti awanen a pulos ti namnamana. Subbotento ti Apo dagiti adipenna, dinto maanano dagiti agkamang Kenkuana. Madaydayaw ti napateg a nagan ni Apotayo a Dios!

****INBOKASYON:**

****HIMNO TI PANAGDAYAW:** "Dayaw Kenkuana"

Idiay krus ni Jesus intedna, ti biagna nga ingget pategna Inugasannak ti darana, dayaw Kenkuana

Koro: Dayaw Kenkuana, dayaw Kenkuana
Inugasannak ti darana, dayaw Kenkuana

Dagiti basol sinubbotna, idiay krus ti nangikaroanna
Ni Jesus adda kaniak ita, dayaw Kenkuana (koro)

Isu't ubbog ingget litnawna, a mangdalus iti nadamka
Ni Jesus agur-uray ita, dayaw Kenkuana (koro)

Intay ken Kristo, intay ita, intay kapten ti saksakana
Ket kunatayo nga ikanta, dayaw Kenkuana (koro)

AYAB TI PANAGBABAWI:

Pangulo: Kas tarigagayantayo ti napudno ken nadalus a puso, bigbigen ken lagipentayo dagiti bidduttayo ket kunatayo ti Apo, "Nagbasolak Kenka, wen, nagaramidak ti dakes iti imatangmo." Agkararagtayo:

Amin: Gapu iti di agbalaliw nga ayatmo kaasiannak kadi, O Diosko. Gapu iti kinamanangngaasim, punasem kadi dagiti basolko. Ugasam a mamimpinsan ti kinadakesko, ket dalusannak kadagiti basbasolko. Bigbigek a nagbiddutak, ket kadagiti basbasolko silalagipak. Nagbasolak kenka, wen, sika laeng ti nagbasolak, nagaramidak ti dakes ti imatangmo. Iti kasta, nalinteg ti panangukommo kaniak, ket nainkalinteg ti pannakadusak (Salmo 51).

Pakawannennak kadi Apo ket dalusannak. Amen

(kanito a panagulimek)

PAMMATALGED ITI PAMMAKAWAN ITI DIOS:

PANNAKAYALLATIW TI KAPPIA:

(Iyallatiw tayo ti kappia ken talna babaen iti panangkanta ti O I Love You...)

KABLAAW KEN DAMDAMAG PAKASEKNAN TI IGLESIA:

KARARAG DAGITI TATTAO:

DAGITI SASAO TI APO:

****Manipud iti Nasantuan a Surat**

**** Thy word is a lamp unto my feet and a light unto my path**

Babaen iti Mensahe ti Kanta

Pannakailawlawag ti Sao

PANANGIDATON TI BIAG KEN PAGYAMAN:

Pangulo: Ti Dios iti nagtaudan amin a banag ditoy lubong, pinarsuana ti langit ken daga agraman amin a kinadam-egna. Kasta met a pinarsuana ti tao a mangtagiben ken mangaywan kadagitoy a parsua a kas paset ti nakaayabanna. Ita ania met ngarud ti isubadtayo ti kinaimbagna?

Itdetayo dagiti sagot ken pagyamantayo ti Apo.
(panagited cadagiti pagyaman ken sagsagut)

KANTA TI PANANGIDATON: "Give Thanks"

****DOKSOLOHIYA**

****KARARAG TI PANANGIDATON:**

SACRAMENTO TI COMMUNION:

Awis ti Panaglak-am:

Pangulo: Kakabsat iti Dios, ayaten tayo sagtunggal maysa gaputa ti ayat ket nagtaud iti Dios. Siasinoman nga agayat ket anak ti Dios ken naisinggalut iti Dios.

Gimong: Siasinoman a di agayat dina am-ammo ti Dios. Ta ti Dios isu ti ayat.

Pangulo: Ti Dios impasimudaagna no ania ti kinasayaat ken kinaimbag, ket ania met ngarud ti kalikagum ti Dios a Nasantoan nga aramidantayo?

Gimong: Agaramid iti nainkalinteg, kasta metti panangipateg iti kinasayaat, ken kasta metti pannakipagpagna a napakumbaba iti dana ti Dios.

Pangulo: Ni Lukas insuratna ti nagungar a Mangisalakan, idi simmango kadagiti apostolesna iti panganan, nangala ti tinapay ket pinispisina ket intedna kadakuada. Nasdaawda ket nabigbigda ti Cristo a nagungar babaen ti pannakapispisi iti bagi ti tinapay.

****Balikas ti Pannakaipasdek**

Ministro: Ti Dios adda kadakayo.

Gimong: Kasta koma met kenka.

Ministro: Itag-ayyo dagiti puspusoyo.

Gimong: Itag-aymi ida iti naindaklan a trono iti Dios.

Ministro: Ipaaytayo iti panagyaman ti nagan iti Naindaklan a Dios.

Gimong: Ipaaytayo ti panagyaman ken dayaw iti Dios.
(kanito ti panagkararag)

Panaglak-am

Kanta ti Panaglak-am: "Ti Tinapay Ti Biag"

Itdem ti tinapay ti biag, Apo a maipaay itoy kararauk
Kas pannangtedmo 'diay dennat baybay
Kadagiti tao nabisinan.

Bendisyonam kad' ti kinapudno

Tapno isut' taraonko, Apo
Ken mangpukaw ti kinadakesko
Ket talna ken ragsak masarakko

Isuronak kad' nga agbiag Kenka
Kas panagbiag dagiti adalam
Tapno ti sulisog pagballigiak
Gapu Kenka, O Mangisalakana

Kararag Panagyaman

****HIMNO A PANAGSERVI: "Alaem Daytoy Biagko"**

Alaem daytoy biagko nga agserbi, O Apo;
Ket dagitoy takkiagko, amin Kenka yawatko.

Coro: Dalusannak iti darana (ti darana)
Gugorannak iti ayusna (ti ayusna)
Yawatko toy biagko Kenka, O Apo
Kukuam inggat inggana.

Dapdapanko alaem Kenka nga agserbi met;
Timekko innak itden, kantaanna ta sudim. (coro)

Amin met nga aldawko ipaay pagdayawko;
Toy isip ken toy puso, aramiden kayatmo. (coro)

Alaem daytoy ayat innak Kenka irukbab;
Bagik, amin a riknak, siksikat' pangitalkak. (coro)

****PANGSERRA A KARARAG ken PAMENDISION:**

Sungbat: (Ituloy ti kanta "Alaem Daytoy Biagko")

Pagayatak kukuam met, kayatmot' aramidek
Amin pay daytoy bagik, alaem Kenka itdek (coro)

POSTLUDIO:

"The Holy Eucharist is over, service begun"

UCCP - Church Bulletin

March Season of Lent


Lent is a 40-day season of reflection and preparation for Holy Week and Easter. "If any want to become my followers, let them deny themselves and take up their cross and follow me." Mark 8:34b
(*Salt of the Earth: Christian Season's Calendar*)

Note:

"You can add some News or Updates of the church in this space and fill some parts of the liturgy: for example the worship participants and the church name for the front cover, and likewise you can change the Hymns or songs if you prefer another one."

UNITED CHURCH OF CHRIST IN THE
PHILIPPINES
Northwest Luzon Conference

March 5, 2017



WORSHIP PARTICIPANTS

Liturgist:
Scripture Reader:
Communion Ushers: Elders

Administrative Pastor